

বঙ্গাবন্ধু শেখ মুজিবুর রহমান
জাতীয় দক্ষতা প্রতিযোগিতা-২০২৩

নৈতিকতা, মূল্যবোধ ও আচরণ নীতিমালা

এপ্রিল, ২০২৩



জাতীয় দক্ষতা উন্নয়ন কর্তৃপক্ষ বাংলাদেশ
NATIONAL SKILLS DEVELOPMENT AUTHORITY BANGLADESH

জাতীয় দক্ষতা উন্নয়ন কর্তৃপক্ষ

বিনিয়োগ ভবন, ই-৬/বি (১১-১২ তলা), আগারগাঁও, ঢাকা – ১২০৭

সূচিপত্র

১. পরিধি (Scope):.....	১
১.২ রূপকল্প (Vision):	১
১.৩ মিশন (Mision):	১
১.৪ অবস্থান (Position):	১
১.৫ নৈতিকতার মানদণ্ড (Code of Ethics)	১
১.৬ মূল্যবোধ ও নৈতিকতা ভিত্তিসমূহ (Values and ethical foundations) :.....	১
১.৭ পরিবেশ সুরক্ষা (Environment Protection) :.....	২
১.৮ মানবাধিকার সুরক্ষায় অঙ্গিকার (Commitment to human rights):.....	২
২. আচরণ নীতিমালা (Code of conduct):	২
২.১ প্রতিষ্ঠান সমূহের নৈতিকতার মৌলিক নীতিমালা (Ethical principles of the organization):.....	৩
২.২ ব্যবহারিক নির্দেশিকা (Practical guideline):	৩
স্বার্থপরতা (Selflessness) :	৩
সাধুতা (Integrity):.....	৩
বস্তুনিষ্ঠতা (Objectivity):.....	৩
জবাবদিহিতা (Accountability);.....	৪
উন্মুক্ততা (Openness) :.....	৪
সততা (Honesty):	৪
৩. জাতীয় দক্ষতা উন্নয়ন কর্তৃপক্ষ ও ইভেন্ট ম্যানেজমেন্ট কোম্পানীর সম্পর্ক	৪
৪. পরিচয়পত্রধারী ব্যক্তি (Accredited persons).....	৫
৫. আচরণের অন্যান্য বিষয় (Other elements of conduct):	৫
আইন প্রতিপালন (Compliance of Law).....	৫
ব্যবসায়িক সাধুতা (Business integrity)	৫
আর্থিক স্বচ্ছলতা (Financial independence).....	৬
তথ্য অধিকার আইনের প্রতিপালন (Compliance with Right to information law).....	৬
৬. নীতিমালা পালনের ব্যর্থতায় দণ্ড (Consequences):.....	৬
৭. উপহার, পুরস্কার ও সম্মাননা গ্রহণ (Gift, award and reception):.....	৬
৮. দুর্নীতি (Corruption):.....	৭

৯. ঝুঁকি ব্যবস্থাপনা (Risk management):.....	৭
১০. তথ্য সংরক্ষণ (Data protection):.....	৭
১১. সংশোধন (Amendments)	৭

১. পরিধি (Scope)

জাতীয় দক্ষতা প্রতিযোগিতার জন্য প্রণীত যে কোন নীতিমালা, কর্মপদ্ধতি, নীতিমালা, আদর্শমান ইত্যাদি যা কিছুই তৈরী করা হউক না কেন, তা যেন এই নৈতিক মূল্যবোধ ও আচরণ নীতিমালার দর্শন ও কর্মপদ্ধতির উৎকর্ষতার আদর্শমান নির্দেশ করে।

১.২ রূপকল্প (Vision):

দক্ষতার উৎকর্ষতায় উন্নত মানব সম্পদ সৃষ্টি।

১.৩ মিশন (Mision):

দক্ষতার উৎকর্ষতা অর্জনের মাধ্যমে ব্যক্তিগত সাফল্য, জাতীয় ও আন্তর্জাতিক স্বীকৃতি লাভ এবং টেকসই অর্থনৈতিক প্রবৃদ্ধি অর্জনে গুরুত্ব প্রদান।

১.৪ অবস্থান (Position):

জাতীয় দক্ষতা উন্নয়ন কর্তৃপক্ষ জাতীয় পর্যায়ে দক্ষতার উৎকর্ষতা অর্জন ও উন্নয়নের কেন্দ্রবিন্দু।

১.৫ নৈতিকতার মানদণ্ড (Code of Ethics)

জাতীয় দক্ষতা প্রতিযোগিতার নৈতিকতার কোড সাধারণত অংশগ্রহণকারীদের, বিচারক এবং সংগঠকদের মধ্যে ন্যায্যতা, সততা এবং পেশাদারিত্বের উপর জোর দেয়।

নিম্নলিখিত মূলনীতিগুলি এই ধরনের কোডে অন্তর্ভুক্ত করা যেতে পারে:

- প্রতিযোগীদের শুধুমাত্র তাদের দক্ষতা এবং কর্মক্ষমতার উপর বিচার করা উচিত এবং জাতি, লিঙ্গ, ধর্ম বা রাজনৈতিক বিশ্বাসের মত ব্যক্তিগত কারণগুলির উপর নয়। বিচারকদের নিরপেক্ষ হতে হবে এবং স্বার্থের দ্বন্দ্ব (conflicts of interest) এড়াতে হবে।
- অংশগ্রহণকারীদের, বিচারক এবং সংগঠকদের সাথে তাদের সমস্ত আন্তঃ যোগাযোগ সততা এবং স্বচ্ছতার ভিত্তিতে হতে হবে। প্রতারণা বা অন্য ধরনের অসদাচরণ কোনভাবেই গ্রহণযোগ্য নয়।
- দক্ষতার স্তরে কোনও পার্থক্য নির্বিশেষে সকল অংশগ্রহণকারীদের একে অপরের সাথে সম্মান এবং মর্যাদার হওয়া উচিত।
- প্রতিযোগীদের তাদের নিজ নিজ পেশার প্রতি ইতিবাচক মনোভাব প্রতিফলিত করে পেশাদার পদ্ধতিতে নিজেদের পরিচালনা করা উচিত। তাদের উচিত সমস্ত নিরাপত্তা মান মেনে চলা এবং নৈতিক অনুশীলন বজায় রাখা।
- অংশগ্রহণকারী, বিচারক এবং সংগঠকদের প্রতিযোগিতার উপকরণ এবং তথ্যের গোপনীয়তা বজায় রাখা উচিত এবং কোনোভাবেই গোপনীয়তা বিরোধী কর্মকান্ডে অংশগ্রহণ করা উচিত নয়।

১.৬ মূল্যবোধ ও নৈতিকতা ভিত্তিসমূহ (Values and ethical Foundations) :

জাতীয় দক্ষতা প্রতিযোগিতার প্রধান মূল্যবোধগুলো হল, উৎকর্ষতা, বৈচিত্র, ন্যায্য বিচার, উদ্ভাবন, সততা, অংশগ্রহণ ও স্বচ্ছতা। জাতীয় দক্ষতা উন্নয়ন কর্তৃপক্ষ জাতীয় পর্যায়ে এই প্রতিযোগিতার মাধ্যমে দেশে দক্ষতার

উৎকর্ষতা অর্জন ও প্রদর্শনের একটি সংস্কৃতি চালু করতে চায় যা দক্ষতা উন্নয়নের গतिकে বেগবান করবে এবং সমাজে বিভিন্ন স্তরে কর্মরত প্রতিটি মানুষের কর্ম সম্পাদনের একটি আদর্শমান প্রতিষ্ঠা করবে। যারা জাতীয় দক্ষতা প্রতিযোগিতার এই ব্র্যান্ড এবং স্বত্তার প্রতিনিধিত্ব করবে বা সমর্থন করবে তাদের সকলের কাছে নৈতিক মূল্যবোধ ও আচরণ নীতিমালার আদর্শমান হবে, নূন্যতম জাতীয় প্রত্যাশা।

১.৭ পরিবেশ সুরক্ষা (Environment Protection) :

একটি স্বাস্থ্যসম্মত ও টেকসই পরিবেশ মানব জীবনের জন্য গুরুত্বপূর্ণ। জাতীয় দক্ষতা প্রতিযোগিতার সকল কার্যক্রম পরিবেশগত বিপর্যয় রোধের বিষয়ে সর্বাধিক দৃষ্টি রাখবে। প্রতিযোগিতার সাথে সংশ্লিষ্ট সকল প্রক্রিয়ায় পরিবেশ সুরক্ষার বিষয়টি অন্তর্ভুক্ত করা হবে।

১.৮ মানবাধিকার সুরক্ষায় অঙ্গিকার (Commitment to Human Rights):

জাতীয় দক্ষতা প্রতিযোগিতার সকল পর্যায়ে জাতিসংঘ ঘোষিত সার্বজনীন মানবাধিকার ঘোষণাপত্র, আন্তর্জাতিক শ্রম সংস্থার কর্মের মৌলিক নীতিমালা ও অধিকার সংক্রান্ত ঘোষণাপত্র, টেকসই উন্নয়ন সংক্রান্ত জাতিসংঘের ২০৩০ এর কর্মসূচি এবং জাতিসংঘের নারী অধিকার সংক্রান্ত কার্যক্রমের সুরক্ষায় প্রয়োজনীয় ব্যবস্থা নেয়া হবে।

২. আচরণ নীতিমালা (Code of conduct)

জাতীয় দক্ষতা প্রতিযোগিতার জন্য আচরণবিধি সাধারণত অংশগ্রহণকারীদের, বিচারক এবং সংগঠকদের জন্য নিয়ম এবং প্রত্যাশার রূপরেখা দেয়। নিম্নলিখিত মূলনীতিগুলি এই ধরনের একটি কোডে অন্তর্ভুক্ত করা যেতে পারে:

- সকল অংশগ্রহণকারী, বিচারক এবং সংগঠকদের অবশ্যই প্রতিযোগিতার নিয়ম ও প্রবিধানের পাশাপাশি যে কোনো প্রযোজ্য আইন ও প্রবিধান মেনে চলতে হবে।
- সকল অংশগ্রহণকারী, বিচারক এবং সংগঠকদের একে অপরের সাথে সম্মান এবং মর্যাদার সাথে আচরণ করা উচিত এবং এমন কোনো আচরণ এড়ানো উচিত যা বৈষম্যমূলক, হয়রানিমূলক বা অসম্মানজনক বলে প্রতীয়মান হয়।
- সকল অংশগ্রহণকারী, বিচারক এবং সংগঠকদের প্রতিযোগিতার সকল দিকগুলিতে নিরাপত্তাকে অগ্রাধিকার দেওয়া উচিত এবং সকল প্রযোজ্য নিরাপত্তা নির্দেশিকা এবং পদ্ধতি অনুসরণ করা উচিত।
- প্রতিযোগিতাটি একটি সুষ্ঠু ও স্বচ্ছভাবে পরিচালিত হওয়া উচিত, যেখানে সকল অংশগ্রহণকারী সমান আচরণ এবং সুযোগ পাবে।
- সকল প্রতিযোগিতার উপকরণ এবং তথ্য গোপন রাখা উচিত, এবং অংশগ্রহণকারী, বিচারক, এবং সংগঠকদের কোন বাণিজ্য গোপনীয়তা সংক্রান্ত আদর্শ মেনে চলা উচিত।
- অংশগ্রহণকারীদের উচিত তাদের নিজেদের পেশাকে সততা এবং গর্বের সাথে প্রতিনিধিত্ব করে পেশাদার পদ্ধতিতে আচরণ করা।
- যে কোনো আচরণ যা অনুপযুক্ত বলে মনে করা হয়, যেমন প্রতারণা, ঘুষ লেনদেন ইত্যাদি থেকে সম্পূর্ণভাবে বিরত থাকতে হবে।

২.১ প্রতিষ্ঠান সমূহের নৈতিকতার মৌলিক নীতিমালা (Ethical Principles of the Organization):

জাতীয় দক্ষতা প্রতিযোগিতার জড়িত সকল প্রতিষ্ঠান নিম্নের মৌলিক নীতিমালা অনুসরণ করবেঃ

আমরা সকলে নিজেদের সাথে এবং যাদের সাথে আমরা কাজ করব, তাদের সকলের সাথে সম্পর্কের ক্ষেত্রে, স্বচ্ছতা, সততা ও জবাবদিহিতা নিশ্চিত করব।

আমরা আমাদের দায়িত্ব পালনে বিশ্বস্ততা, দক্ষতা, সততা ও আন্তরিকতা প্রদর্শন করব এবং আমাদের সকল সহকর্মী ও সকল প্রতিযোগির মানবিক, বৃত্তিমূলক ও ব্যক্তিগত গোপনীয়তার অধিকারের প্রতি সম্মান প্রদর্শন করব।

আমাদের কাজে রাজনৈতিক ও গোষ্ঠীগত পক্ষপাতিত্ব থেকে মুক্ত থাকব।

কোন বিরোধের সৃষ্টি হলে ক্ষতিগ্রস্তদের মানবিক, বৃত্তিমূলক ও ব্যক্তিগত গোপনীয়তার অধিকারের প্রতি সম্মান প্রদর্শনপূর্বক স্বচ্ছতার সাথে গঠনমূলক উপায়ে বিরোধ নিষ্পত্তি করব এবং ঐ বিষয়টি তখনই প্রকাশ করা হবে যখন সেটি জাতীয় দক্ষতা প্রতিযোগিতার স্বার্থে প্রয়োজন হবে।

আমরা কোন অবস্থাতেই আমাদের কাজ কর্মে পক্ষপাতিত্ব, হয়রানী বা যৌন নিপীড়নকে প্রশ্রয় দেব না।

আর্থিক সহায়তা গ্রহণের ক্ষেত্রে প্রতিযোগিতার উদ্দেশ্যের সাথে সাংঘর্ষিক কোন শর্তে আমরা সম্মত হব না।

কোন ধরনের ঘুষ বা দুর্নীতি তা যে আকার বা আকৃতিতেই আসুক না কেন তাকে প্রশ্রয় দেব না। আমরা সকলের সাথে আমাদের আচরণে যোগ্যতা ও দক্ষতাকে প্রাধান্য দেওয়ার সংস্কৃতিকে পৃষ্ঠপোষকতা দেবো এবং এর চর্চাকে উৎসাহিত করব।

- জাতীয় দক্ষতা প্রতিযোগিতার সাথে সংশ্লিষ্ট সকল অংশীজনের সাথে যথাযথ পরামর্শ করব।
- আমরা কোন সেবা প্রদান বা কর্মকান্ড নেয়ার অঙ্গীকার করলে সে অঙ্গীকার রক্ষায় সর্বোচ্চ চেষ্টা করব।

২.২ ব্যবহারিক নির্দেশিকা (Practical Guideline):

মানুষ বিভিন্ন সময়ে ও পরিবেশে ভিন্ন ভিন্ন আচরণ করে থাকে। কাজেই অংশীজনদের আচরণের বিষয়ে নিম্নের মৌলিক আদর্শমান বর্ণিত হলো। এটি বর্ণনার মূল উদ্দেশ্য হল জাতীয় দক্ষতা প্রতিযোগিতায় জড়িত সকল অংশীজন যেন তাদের আচরণের ক্ষেত্রে এই আদর্শমান অনুসরণ করে।

স্বার্থপরতা (Selflessness):

সকল অংশীজন জাতীয় দক্ষতা প্রতিযোগিতার সফল বাস্তবায়নে কাজ করবে। নিজের পরিবারের বা বন্ধুবান্ধবের আর্থিক বা অন্য কোনরূপ সুবিধা বা স্বার্থের জন্য প্রতিযোগিতা বা এর ব্যান্ড ব্যবহার করা যাবে না।

সাধুতা (Integrity):

প্রতিযোগিতার সাথে সংশ্লিষ্টরা নিজেদেরকে এমন কোন আর্থিক বা অন্যকোন বাধ্যবাদকতায় জড়াবেন না যাতে প্রতিযোগিতার দায়িত্ব পালনে অন্য কারো প্রভাব বিস্তারের সুযোগ সৃষ্টি হয়।

বস্তুনিষ্ঠতা (Objectivity):

জাতীয় দক্ষতা প্রতিযোগিতার কার্যাবলীতে অর্থাৎ নিয়োগ, কার্যাদেশ প্রদান, পুরস্কার বা প্রণোদনার জন্য কাউকে

নির্বাচন করা, সুযোগ সুবিধা বন্টন ইত্যাদি ক্ষেত্রে যোগ্যতার ভিত্তিতে সিদ্ধান্ত গ্রহণ করা হবে।

জবাবদিহিতা (Accountability);

জাতীয় দক্ষতা প্রতিযোগিতার কার্যক্রমে জড়িত সকল ব্যক্তি ও প্রতিষ্ঠান তাদের সিদ্ধান্ত ও কার্যক্রমের ক্ষেত্রে সর্বোচ্চ জবাবদিহিতা নিশ্চিত করবে। জবাবদিহিতার প্রয়োজনে যে কোন নীরিক্ষা কার্যক্রমে সহযোগিতা করার সর্বোচ্চ অঙ্গীকার থাকতে হবে।

উন্মুক্ততা (Openness) :

প্রতিযোগিতার সকল সিদ্ধান্ত এবং কার্যক্রমের তথ্য সকলের জন্য উন্মুক্ত থাকবে। শুধুমাত্র অংশীজনদের বা ব্যক্তি বিশেষের সাধুতা বা ব্যক্তিগত গোপনীয়তা বিষয় ছাড়া, সকল সিদ্ধান্তের বিষয় সাধারণ ভাবে প্রকাশ করা হবে।

সততা (Honesty):

জাতীয় দক্ষতা প্রতিযোগিতা ও প্রতিযোগিতার ব্রান্ড স্বার্থ রক্ষার ক্ষেত্রে ব্যক্তি বা গোষ্ঠি স্বার্থকে অবনমিত রেখে এবং ব্যক্তি বা গোষ্ঠি স্বার্থের উদ্ভব হলে তা নিরসনে যথাযথ পদক্ষেপ নেবে।

৩. জাতীয় দক্ষতা উন্নয়ন কর্তৃপক্ষ ও ইভেন্ট ম্যানেজমেন্ট কোম্পানীর সম্পর্ক

ইভেন্ট ম্যানেজমেন্ট কোম্পানী জাতীয় দক্ষতা প্রতিযোগিতা সফল বাস্তবায়নে একজন ঠিকাদার মাত্র। জাতীয় দক্ষতা প্রতিযোগিতার সুষ্ঠু বাস্তবায়নের ক্ষেত্রে জাতীয় দক্ষতা উন্নয়ন কর্তৃপক্ষ সর্বোচ্চ সহযোগিতা প্রদান নিশ্চিত করবেন। ইভেন্ট ম্যানেজমেন্ট কোম্পানী যা করতে পারবে বা যা করতে পারে না তা নিম্নে বর্ণিত হলঃ
যা করতে পারবে:

- প্রতিযোগিতার সফল বাস্তবায়নে এনএসডিএ এর সম্মতিক্রমে প্রতিযোগী বাছাই প্রক্রিয়া নির্ধারণ, প্রতিযোগিতার বিষয়বস্তু নির্ধারণ, প্রতিযোগিতার বিচারিক প্রক্রিয়া নির্ধারণ।
- প্রতিযোগিতার প্রচার প্রচারণার স্বার্থে পৃষ্ঠপোষক সংগ্রহ যা জাতীয় পর্যায়ে, আঞ্চলিক পর্যায়ে, প্রতিযোগিতার বিষয়বস্তু পর্যায়ে হতে পারে।
- প্রতিযোগিতার পৃষ্ঠপোষক সংগ্রহের ক্ষেত্রে প্রতিযোগিতা সংক্রান্ত বিষয় ছাড়া অন্য কোন বিষয়ে কোন অঙ্গীকার করতে পারবে না।
- পৃষ্ঠপোষকদের সাথে চুক্তির বিষয়টি শুধু ইভেন্ট ম্যানেজমেন্ট কোম্পানী ও পৃষ্ঠপোষকের মধ্যকার চুক্তি।
- প্রতিযোগিতার প্রয়োজনে কোন প্রশিক্ষণ প্রতিষ্ঠানের সহায়তা গ্রহণের ক্ষেত্রে উক্ত প্রতিষ্ঠানের সাথে দ্বিপাক্ষিক সমঝোতার ভিত্তিতে কাজ করবে তবে এক্ষেত্রে এনএসডিএ প্রভাবকের ভূমিকা পালন করতে পারে।
- ইভেন্ট ম্যানেজমেন্ট কোম্পানী প্রতিযোগিতার জন্য প্রয়োজনীয় উপকরণ সংগ্রহের ক্ষেত্রে পৃষ্ঠপোষকতা গ্রহণ করতে পারবে।
- প্রতিযোগিতার স্থলে পৃষ্ঠপোষকদের পণ্য বা সেবা প্রদর্শনের ব্যবস্থা করা যাবে।

- প্রতিযোগিতা স্থলে আগত দর্শনার্থীসহ সকল প্রতিযোগির নিরাপত্তা নিশ্চিত করার স্বার্থে প্রয়োজনীয় ব্যবস্থা গ্রহণ করতে পারবে এবং প্রয়োজনে পৃষ্ঠপোষকের সহায়তা নিতে পারবে।
- প্রতিযোগিতার প্রচার ও প্রসারে প্রিন্ট ও ইলেক্ট্রনিক মিডিয়ার পৃষ্ঠপোষকতা গ্রহণ করা যাবে।
- প্রতিযোগিতার সুষ্ঠু বাস্তবায়নের প্রয়োজনে সরকারী সহায়তার বিষয়ে এনএসডিএকে অনুরোধ করতে পারবে।

যা করতে পারবে না:

- প্রতিযোগিতার জন্য পৃষ্ঠপোষকদের সাথে এই প্রতিযোগিতার বিষয়ে দীর্ঘ মেয়াদী চুক্তি করতে পারবে না। এই পৃষ্ঠপোষকতা শুধু মাত্র ২০১৯-২০ অর্থ বছরে অনুষ্ঠিত প্রতিযোগিতার ক্ষেত্রে প্রযোজ্য হবে।
- দক্ষতা প্রতিযোগিতা ভিন্ন এনএসডিএ এর অন্য কোন বিষয়কে পৃষ্ঠপোষকতা চুক্তির অন্তর্ভুক্ত করা যাবে না।
- পৃষ্ঠপোষকতা চুক্তির দায় শুধু ইভেন্ট ম্যানেজমেন্ট কোম্পানীর, এনএসডিএ এর নয়। তবে কোন কারণে প্রতিযোগিতা বিলম্বিত হওয়ার ক্ষেত্রে পৃষ্ঠপোষকতার চুক্তি ভঙ্গ হলে এনএসডিএকে প্রদত্ত পৃষ্ঠপোষকতার অঙ্গীকার কার্যকর হবে না।

৪. পরিচয়পত্রধারী ব্যক্তি (Accredited Persons)

জাতীয় দক্ষতা প্রতিযোগিতার সুষ্ঠু বাস্তবায়নের বিভিন্ন কাজে বিভিন্ন ব্যক্তিকে দায়িত্ব প্রদান করা হবে। যেমন বিশেষজ্ঞ, বিচারক, স্বেচ্ছাসেবক, নিরাপত্তাকর্মী, ওয়ার্কশপ ম্যানেজার ইত্যাদি। এছাড়া প্রতিযোগী, দলগত প্রতিযোগিতার ক্ষেত্রে প্রতিযোগীরা ও দলনেতা, সরঞ্জাম সরবরাহকারী ও মেরামতকারী, বৈদ্যুতিক ব্যবস্থাপনার রক্ষনাবেক্ষনকারী সকলেরই পরিচয়পত্র থাকা আবশ্যিক। ইভেন্ট ম্যানেজমেন্ট প্রতিষ্ঠান এনএসডিএ এর সম্মতিক্রমে বিভিন্ন কাজে নিয়োজিত ব্যক্তি ও জীবনের কাজ প্রতিষ্ঠানকে তাদের পরিচয়পত্র প্রদান করবে। পরিচয়পত্র গ্রহণকারী প্রত্যেক ব্যক্তি তাদের জন্য নির্ধারিত কাজের ক্ষেত্রে প্রতিযোগিতা নীতিমালা ও নৈতিক মূল্যবোধ ও আচরণ নীতিমালা অনুসরণের অঙ্গীকার করবে।

প্রতিযোগিতায় জড়িত কোন ব্যক্তি বা প্রতিষ্ঠান প্রতিযোগিতার নীতিমালা বা নৈতিক মূল্যবোধ ও আচরণ নীতিমালা ভঙ্গ করলে শাস্তিমূলক ব্যবস্থা হিসেবে তাদের বা তার দল বা প্রতিষ্ঠানকে বহিষ্কার করা যেতে পারে এবং প্রদত্ত সম্মাননা বা সনদ প্রত্যাহার করা হতে পারে।

৫. আচরণের অন্যান্য বিষয় (Other Elements of Conduct):

আইন প্রতিপালন (Compliance of Law)

জাতীয় দক্ষতা প্রতিযোগিতার সকল কার্যক্রমে রাষ্ট্রীয় আইন ও বিধি বিধানকে সম্মুখ রাখা হবে। এই লক্ষ্যে প্রতিযোগিতার বিভিন্ন কার্যক্রমের সাথে জড়িত সকলকে প্রয়োজনীয় প্রশিক্ষণ প্রদান করা হবে। যাতে রাষ্ট্রীয় আইন ও বিধিবিধান লংঘনের ঝুঁকি হ্রাস পায়।

ব্যবসায়িক সাধুতা (Business integrity)

জাতীয় দক্ষতার প্রতিযোগিতার সাথে সংশ্লিষ্ট সকলে সামাজিক ও রাষ্ট্রীয় দায়বদ্ধতা অনুসরণ করে সুনামের

পরিচয় দিবেন জাতি এটাই প্রত্যাশা করে।

আর্থিক স্বাধীনতা (Financial Independence)

জাতীয় দক্ষতা প্রতিযোগিতার জন্য অর্থ সহায়তা গ্রহণের ক্ষেত্রে পৃষ্ঠপোষক নির্বাচনে নিম্নের বিধিবিধান মেনে চলতে হবে;

- জাতীয় দক্ষতা প্রতিযোগিতার স্বার্থের পরিপন্থি কোন শর্তযুক্ত পৃষ্ঠপোষকতা গ্রহণ করা যাবে না।
- পৃষ্ঠপোষকতা গ্রহণের ক্ষেত্রে সরকারী প্রতিষ্ঠান, বেসরকারী বাণিজ্যিক প্রতিষ্ঠান, শিক্ষা/প্রশিক্ষণ প্রতিষ্ঠান, এনজিও, দাতব্য প্রতিষ্ঠান, ফাউন্ডেশন, ট্রাস্ট ইত্যাদি সকল ধরনের প্রতিষ্ঠানের অংশগ্রহণের সুযোগ উন্মুক্ত রাখতে হবে।
- জাতীয় দক্ষতা প্রতিযোগিতার উদ্দেশ্য ও মূল্যবোধের সাথে ঘনিষ্ঠ প্রতিষ্ঠানকে অগ্রাধিকার দেয়া যাবে।

তথ্য অধিকার আইনের প্রতিপালন (Compliance with Right to information law)

ব্যক্তিগত বা প্রাতিষ্ঠানিক গোপনীয় তথ্য ও কপিরাইট আইনের আওতায় থাকা তথ্য ব্যতিত প্রতিযোগিতার সাথে সংশ্লিষ্ট সকল তথ্য সকলের জন্য উন্মুক্ত থাকবে।

পর্যবেক্ষক ও দর্শনার্থীদের অধিকার রক্ষা (Protection of the right of observers and visitors):

- প্রতিযোগিতায় বিঘ্ন সৃষ্টি না করে পর্যবেক্ষকগণ তাদের নির্ধারিত কার্যাবলী সম্পাদন করতে পারবেন। তবে প্রতিযোগিতা এলাকার ভিতরে প্রবেশের ক্ষেত্রে অবশ্যই সংশ্লিষ্ট ওয়ার্কশপ ম্যানেজারের অনুমতি নিতে হবে।
- সাধারণ দর্শনার্থীরা তাদের চলাফেরার জন্য চিহ্নিত স্থান দিয়ে চলাফেরা করতে পারবেন, তবে প্রতিযোগীদের কোন প্রশ্ন করা বা তাদের কাজে বিঘ্ন ঘটাতে পারে এমন কিছু করতে পারবেন না।
- দর্শনার্থীদের বিশেষ কোন জিজ্ঞাসা থাকলে তথ্য কেন্দ্রে যোগাযোগ করবেন।
- প্রত্যেক পর্যবেক্ষক ও দর্শনার্থীকে অবশ্যই রেজিস্ট্রেশন সম্পূর্ণ করতে হবে এবং রেজিস্ট্রেশনে উল্লেখিত শর্তাবলী প্রতিপালন করতে হবে।

৬. নীতিমালা পালনের ব্যর্থতায় দণ্ড (Consequences):

নৈতিক মূল্যবোধ ও আচরণ নীতিমালা পালনে ব্যর্থ হলে দর্শনার্থী ও পর্যবেক্ষকদের তাৎক্ষণিকভাবে বহিষ্কার করা যাবে। প্রতিযোগীদের ক্ষেত্রে বহিষ্কার দণ্ডসহ ভবিষ্যতে প্রতিযোগিতায় অংশ করার ক্ষেত্রে নিষেধাজ্ঞা আরোপিত হতে পারে।

প্রতিযোগিতার সাথে সংশ্লিষ্ট কর্মকর্তা কর্মচারীদের ক্ষেত্রে প্রশাসনিক শৃঙ্খলা মূলক ব্যবস্থা গ্রহণ করা যেতে পারে।

৭. উপহার, পুরস্কার ও সম্মাননা গ্রহণ (Gift, award and reception):

- জাতীয় দক্ষতা প্রতিযোগিতার নির্ধারিত পুরস্কার ও সম্মাননা ছাড়াও কোন প্রতিযোগী বা কোন প্রতিযোগীদের প্রতিযোগিতাকে উৎসাহিত করতে কোন প্রতিষ্ঠান বা ব্যক্তি বিশেষ প্রদত্ত উপহার, পুরস্কার ও সম্মাননা গ্রহণ করা যাবে।

- প্রতিযোগিতা উৎকর্ষতা বিচার বিবেচনায় না নিয়ে ঢালাও ভাবে পুরস্কার, উপহার বা সম্মামনা প্রদানকে নিরুৎসাহিত করা হবে।
- প্রতিযোগিতাকে প্রভাবিত করতে পারে এমন ব্যয়বহুল ও বিতর্কিত কোন উপহার, পুরস্কার ও সম্মামনা গ্রহণ করা যাবে না।
- উপহার, পুরস্কার বা সম্মামনা প্রদানের বিষয়টি এনএসডিএকে অবহিত করতে হবে।

৮. দুর্নীতি (Corruption):

জাতীয় দক্ষতা প্রতিযোগিতার কোন পর্যায়ে কোনরূপ দুর্নীতি, অস্বচ্ছতাকে প্রশ্রয় দেয়া হবে না। এজন্য প্রয়োজন আইনানুগ কঠোর ব্যবস্থা নেয়া যেতে পারে।

৯. ঝুঁকি ব্যবস্থাপনা (Risk management):

জাতীয় দক্ষতা প্রতিযোগিতার সকল স্তরে ও সকল কর্মকান্ডে পেশাগত স্বাস্থ্য, নিরাপত্তা ও পরিবেশগত ঝুঁকিসহ সকল ধরনের ঝুঁকি নিরসনে প্রয়োজনীয় ব্যবস্থা গ্রহণ করা হবে। জাতীয় দক্ষতা প্রতিযোগিতার ভাবমূর্তি সৃষ্টি ও রক্ষা করা এবং জাতীয় পর্যায়ে তার আদর্শ তুলে ধরার ক্ষেত্রে যথাযথ কৌশল অবলম্বন করে ঝুঁকি নিরসনের সহায়ক পরিবেশ নিশ্চিত করা হবে।

১০. তথ্য সংরক্ষণ (Data protection):

প্রতিযোগিতার প্রয়োজনে গৃহিত তথ্য, প্রতিযোগিতা চলাকালীন প্রাপ্ত তথ্য-উপাত্ত সহায়ক পদ্ধতিতে সংরক্ষণ করা হবে। তথ্যের গোপনীয়তা রক্ষার ক্ষেত্রে যথাযথ ব্যবস্থা নেয়া হবে।

১১. সংশোধন (Amendments)

জাতীয় দক্ষতা উন্নয়ন কর্তৃপক্ষ যে কোন দক্ষতা প্রতিযোগিতা শুরুর পূর্বে বা প্রতিযোগিতা চলাকালীন প্রয়োজনীয়তা ও বাস্তবতার নিরিখে এই আচরণ নীতিমালা সংযোজন, সংশোধন, পরিমার্জন, পরিবর্ধন ও রহিতকরনের ক্ষমতা সংরক্ষণ করেন।